

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE

**Dom naroda**

**Predstavnički dom**

Broj: 01/c,02/c-14 -2073 /17

Sarajevo, 24. 11. 2017. godine

Na osnovu člana 64. stav 1. tačka b), člana 65. Zakona o javnim nabavkama („Službeni glasnik BiH“, broj 39/14), čl. 11. i 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, broj: 02/c-14-165/15 od 28.1.2015. godine i Preporuke Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 01,02/c-14-1858/17 od 24. 11. 2017. godine, u postupku za nabavku informatičke opreme u otvorenom postupku javne nabavke, sekretar Doma naroda i v.d.sekretara Predstavničkog doma, donose

**ODLUKU**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 01,02/c-14-1858 /17 od 24. 11. 2017. godine i ugovor za javnu nabavku informatičke opreme u otvorenom postupku javne nabavke, dodjeljuje se ponuđaču King ICT d.o.o., Aleja Bosne Srebrene 34 Sarajevo, ponuda broj: 11-022/17. od 22.11.2017. godine, za ponuđenu cijenu od 57.567.00 KM bez PDV-a (pedeset sedam hiljada pet stotina šezdeset i sedam KM bez PDV-a), kao najbolje ocijenjenom.

**Član 2.**

Prijedlog ugovora o nabavci dostavit će se na potpis izabranom ponuđaču King ICT d.o.o. Sarajevo, po protoku roka od 10 dana, računajući od dana od kada su svi ponuđači obaviješteni o izboru najpovoljnije ponude.

**Član 3.**

Za izvršenje ove odluke odgovorani su sekretar Doma naroda i v.d.sekretara Predstavničkog doma Parlamenta Federacije Bosne i Hercegovine.

**Član 4.**

Ova odluka objavit će se na web-stranici Doma naroda Parlamenta Federacije Bosne i Hercegovine., istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Rješenjem o pokretanju postupka javne nabavke broj: 01/c,02/c-14-1858/17 od 19. 10. 2017. godine. Javna nabavka je provedena putem otvorenog postupka. Procijenjena vrijednost javne nabavke bez PDV-a je procijenjena na 60.000,00 KM.

Obavještenje o nabavci broj: 56-1-129-3-3/17 poslato je na objavljivanje dana 1.11.2017. godine, a objavljeno je na Portalu javnih nabavki dana 1.11.2017.godine a sažetak obavještenja o nabavci objavljen je u „Službenom glasniku BiH“, broj 81/17 od 10. 11.2017 godine.

Komisija za provođenje postupka javne nabavke Doma naroda Parlamenta Federacije Bosne i Hercegovine imenovana je Rješenjem, broj: 02/c-14-2364/16 od 27.12.2016. godine.

Komisija za javnu nabavku dostavila je 24.11.2017. godine, sekretaru Doma naroda i v.d. sekretaru Predstavničkog doma, Zapisnik o ocjeni ponuda i Preporuku o izboru najpovoljnijeg ponuđača broj: 01,02/c-14-1858/17 od 24. 11. 2017. godine, u postupku javne nabavke informatičke opreme i to : centralnih L3 core switcheva (dva komada), nadogradnju sistema za zaštitu e-mail saobraćaja, nadogradnju postojećih wireless rješenja, isporuka i instalacija NAS Storage uređaja za potrebe backupa, nadogradnja postojećih servera 2008 R2 (dva komada) operativnih Sistema, nadogradnju MS Exchanger Server 2010 standard licence na zadnje dostupne verzije i nabavka UPS-uređaja, radi donošenja Odluke o izboru najpovoljnijeg ponuđača.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedan;
- da je blagovremeno zaprimljena jedna ponuda;
- da je ponude ponuđača : King ICT d.o.o., Aleja Bosne Srebre 34 Sarajevo, **prihvatljiva**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača u skladu sa kriterijima iz tenderske dokumentacije.

U postupku ocjene provedenog postupka, sekretar Doma naroda i v.d. sekretara Predstavničkog doma nisu našli razloge, nepravilnosti niti propuste u radu, koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen na osnovu kriterija najniže cijene i to:

PODACI O PONUĐAČU		
1.	Naziv i ime ponuđača	King ICT d.o.o., Aleja Bosne Srebre 34 Sarajevo
2.	Ukupna cijena bez PDV-a	57.567.00 KM
3.	Ukupna cijena sa PDV-om.	67.353.39 KM

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, te člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, odlučeno je kao u dispozitivu ove Odluke.

Prilog: Zapisnik o ocjeni.

#### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

v.d. SEKRETARA  
PREDSTAVNIČKOG DOMA

Stela Ibrović



SEKRETAR  
DOMA NARODA

Izmir Hadziavdić

#### Dostavljeno:

- Sekretaru Doma naroda,
- v.d. sekretaru Predstavničkog doma,
- King ICT d.o.o., Aleja Bosne Srebre 34 Sarajevo,
- Komisiji za provođenja postupka javne nabavke Doma naroda,
- Komisiji za provođenje postupka javne nabavke Predstavničkog doma,
- Službi računovodstva,
- a/a.